

Bosnia and Herzegovina  
Federation of Bosnia and Herzegovina  
**CANTON SARAJEVO**  
**Ministry of Internal Affairs**

Broj:01-07-02-2-7153/19  
Dana, 07.01.2020.godine

## SKUPŠTINA KANTONA SARAJEVO

**PREDMET:** Odgovor na zastupničko pitanje zastupnice Neire Dizdarević-dostavlja se;


**VEZA:** Vaš akt broj:01-05-43190-82/19 od 17.12.2019.godine;

Skupština Kantona Sarajevo je aktom broj i datum veze dostavila ovom Ministarstvu zastupničko pitanje zastupnice Neire Dizdarević vezano za vanjske hidrantske mreže stambenih objekata. Zastupnica smatra da su odgovor Inspektorata za zaštitu od požara MUP-a KS i KJKP „Vodovod i kanalizacija“ kontradiktorni. U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"-Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje Inspektora za zaštitu od požara zaposlenih u MUP-u KS:

Članom 49. Zakona o zaštiti od požara i vatrogastvu („Službene novine FBiH“ broj:64/09) propisano je da „su vlasnici građevina i prostora i upravitelji stambenih objekata u kojima je ugrađena unutrašnja i vanjska hidrantska mreža dužni održavati u ispravnom stanju i redovno vršiti kontrolu ispravnosti te mreže, o čemu vode odgovarajuću dokumentaciju.“ Za hidrante na sistemu javne vodoopskrbe, za održavanje i izvedbu nadležan je isporučitelj usluge, a u najvećem dijelu Kantona Sarajevo to je KJKP „Vodovod i kanalizacija“ a obaveza održavanja hidrantske mreže u objektima kolektivnog stanovanja je u nadležnosti upravitelja zgrada. Za izvedbu i održavanje hidrantske mreže na internim vodovodnim instalacijama, odgovorni su vlasnici internih vodovodnih instalacija. U dijelu odgovora u kojem se navodi evidentan problem neispravnosti vanjske hidrantske mreže stambenih objekata što je prema članu 49. citiranog Zakona u nadležnosti Javnog preduzeća KJKP „Vodovod i kanalizacija“ konstatacija se odnosila na vanjsku hidrantsku mrežu visokih stambenih objekata koja je izvedena i postavljena na javnim površinama sukladno propisima važećim za vrijeme gradnje javne vodovodne mreže. Tačkom 3.1.1.3.4. Plana zaštite od požara grada Sarajeva KJKP „Vodovod i kanalizacija“ je obavezan da donese plan grada i



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolenciji 16



prigradskih naselja u kojima treba da se ucrtaju mjesta hidranata i ventila, vodovi hidrantske mreže sa oznakom profila, te da plan dostavlja vatrogasnoj brigadi. Za označavanje i ispravnost te vođenje evidencije o njihovoj kontroli i popravcima odgovorno je KJKP „Vodovod i kanalizacija“.

Članom 49.stav (2) Zakona propisano je da je javno preduzeće koje upravlja vodovodnom i hidrantskom mrežom dužno održavati u ispravnom stanju hidrantsku mrežu o čemu vodi odgovarajuću evidenciju i o tome obavještava nadležnu profesionalnu vatrogasnu jedinicu.

Prema saznanjima dobivenim od Profesionalne vatrogasne brigade Kantona Sarajevo veliki broj vanjskih hidranata koji su postavljeni na javnim površinama je neispravan (zatrpani, asfaltirani, zavareni,...) o čemu su obavještavali KJKP „Vodovod i kanalizacija“ te detaljnu informaciju o stanju vanjske hidrantske mreže na javnim površinama možete zatražiti od Kantonalne uprave civilne zaštite-Profesionalne vatrogasne brigade Kantona Sarajevo.

U dijelu odgovora u kojem se navodi da KJKP „Vodovod i kanalizacija“ nije osiguralo propisani protočni kapacitet i pritisak vode u mreži i da pritisak i protok vode na nižim etažama su ispod ili na granici propisanog pritiska i protoka vode navedeno je da je isto konstatovano prilikom ranijih inspekcijских nadzora od strane Inspektora za zaštitu od požara.

Iz odgovora KJKP „Vodovod i kanalizacija“ broj: 8891/19 od 23.10.2019 godine da je „u gradskoj vodovodnoj mreži i hidrantima osiguran pritisak vode koji zadovoljava tehničke uslove za normalno vodosnabdjevanje Inspektor za zaštitu od požara je konstatovao da je KJKP „Vodovod i kanalizacija“ otklonilo ranije probleme vodosnabdjevanja i obezbjedilo propisani protočni kapacitet i pritisak vode u hidrantskoj, odnosno vodovodnoj mreži za potrebe gašenja požara.

**Prilog:**

-CD.

**Dostaviti:**

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0) 33 286-701, 286-702,  
Fax: + 387 (0) 33 226-445  
Sarajevo, La Benevolencija 16

